



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Gabella.

urn:nbn:de:hbz:466:1-10421

que annullari queant? Respondetur, ea, quæ tempore essent peritura, ut piscatio quarundam piscium specierum, metere frumenta, colligere alia legumina, ea seminare, & tritare, colligere olivas, fœnum, vindemiare, & alia hujus generis, quando probabiliter esset periculum, ut temporis pluviosi, & quid simile, *c. licet.* & ibi Ioan. Andr. *de fer. notarius instrumenta conficere*, Maran. *6. par. act. 4. n. 86.* processus capiendi suspectum de fuga, *ibi 6. p. mem. 1. nu. 62.* porrigere libellum, quando periculum esset in mora, *gl. in c. placita, 15. q. 4.* Maran. *ibi. mem. 3. num. 20.* præsentatio scripturarum, *ibi act. 8. n. 43.* fidejussio, *ibidem. nu. 63.* appellari, *ibi. tit. de appellat. num. 154.* & alia multa, *ibi. act. 10. num. 39. act. 11. num. 4. act. 6. n. 7.* vide Fel. *in c. significavit, de iudic. Navar. cap. 13. num. 6.* & ibi permulta, & Syl. *in ver. dominica.*

Quartò, quando incipiat obligatio diei? Respondetur quod à media nocte præcedentis diei ad mediam sequentis; ita consuetudo optima legum interpret. Sylvest. *loc. cit. num. 5. in fine*, Navar. *ibi. numer. 5.* facit *l. more Romano, C. de feriis.*

GABELLA.

SUMMARIUM.

- 1 Quis eam imponere possit.
- 2 A quibus non solvi debeat.
- 3 Pro quibus rebus non debeat solvi Gabella.
- 4 Quis cum teneatur solvere, emptor, an venditor.

Ad primum, omnes domini temporales, non recognoscens superiores, ut Papa, Imperator, vel consuetudo cuius non est memoria, Abb. *in c. super quibusdam, nu. 1. & 6. de verb. signific. Rex, Principes, Respublicæ etiam Collaterales regni Neap. quia quicquid faciunt, agunt nomine regio.* Navar. *c. 27. num. 61.* Cajet. *in sum. verb. vectigal, cap. 2. num. 2.* Soto *lib. 4. q. 3. art. 3. de iust. & iure, Medina C. de restit. 13.* Ang. *in verbo pedagium, §. 2.* & citra hos omnes imponentes novas gabellas, vel veteres impositas augentes, sunt excommunicati in Bulla Cænæ Domini, patet omnibus; & sub hoc nomine gabellæ, intelligo omnia sua synonyma, ut pedagium, doanam, guidagium, collectas, &c. Ang. *ver. pedagium. Sylvest. in ver. gabella. 4.* Nav. *c. 17. num. 201.* ubi animadvertere debent locorum Ordinarii, quia multas civitates & oppida video incidere in hoc putantes id sibi licere.

Ad secundum, vide Sylvest. *in ver. gabella, 3. per totum*, & quæ dixi *in ver. Clericus, §. 9.* & generaliter à personis ecclesiasticis prohibentur exigi, patet apud omnes Scribentes, alias sunt excommunicati, per *c. quanquam de cens. Navar. loc. cit. notab. 74.* & hoc pro rebus provenientes ex redditibus ecclesiasticis patrimonialibus, & quæ ferunt ad usum proprium, Covar. *lib. 1. cap. 4. num. 3. & 4. var. resol.*

Ad tertium, nec pro rebus ad usum proprium portatis, *l. Universi, C. de vectigal. Syl. in ver. Gabella, 3. num. 14.* & 15. Nava. *c. 17. numer. 202. notab. 74. ver. an autem.* Cajet. *in sum. in ver. vectigal. §. 4.*

Amil.

Armillan ver. Gabella, numer. 2. Ang. *in verbo pedagium, §. 3.* Sor. *lib. 3. q. 6. ar. 7. de iust. & iur. ubi dicunt omnes, non peccare eos, qui in his gabellas defraudant, hoc fallit.* Primò quando quotidianus usus comprobatur, ut pro iis etiam solvatur, quia id potest inducere consuetudo, & sic ferè per totum vidi observari, quod etiam pro rebus vestis ad usum proprium exigitur, *D. Ant. 2. par. c. 74.* Nav. *loc. cit.* Secundò fallit, quod clerici & personæ ecclesiasticæ etiam tenentur, quando ad id concurreret assensus Apostolicus, & qui defraudant, peccant mortaliter, & tenentur ad restitutionem Gabellotis & afflictatoribus, *Nav. loc. cit. num. 200.* sed ad pœnam non tenentur, nisi post latam sententiam, *Sylvest. in verb. gabella, 3. n. 21. §. 8.*

Ad quartum, respondetur quod regulariter emptor, nisi aliter caveatur in statuto, ita *Cap. Tolos. q. 451. per l. debet, ff. de ad. ed. c. 10.* Hinc fit, primò, si dominus locat prædium alicui, & gabella venit solvenda ex fructibus vel redditibus illius prædii, tunc totum onus solutionis incumbit conductori, non domino, nam videtur quod dominus propter onus gabellæ, locavit minori pensionem, ita *Barr. in l. interdum, §. quoties ff. de publi.* Hinc fit secundò, quod in quibusdã locis regni, vel ratione domini, vel relevaminis alicuius universitatis, laici imponunt gabellas super serico, vel vino, vel aliquo hujusmodi, & volunt, ut solvantur duo Carleni, vel quid simile, pro libra, vel dolio, & quia vident se non posse astringere personas ecclesiasticas vendentes, per *ca.*

Eccl. S. Mar. de constitu. & per Bul. Cæna Domini. statuunt, ut solvant ementes, accidit, quod quidam clerici faciunt sericum, vel vinum ex suis possessionibus dum volunt vendere illud, ementes emunt minori illo quo solvitur gabella, & non vident quod indirectè ista gabella cadit super personas ecclesiasticas, etsi dicunt, non Clerici, sed ementes solvunt. Respondetur, quod ideo minoris emunt quam emerenti, & sic personæ ecclesiasticæ solvunt gabellas, contra omnia jura, prout *in ver. clericas, §. 9. Innoc. in c. cum non sit, n. 1. de decim. Affl. c. in constitu. Apostatas num. 20.*

HORÆ CANONICÆ.

SUMMARIUM.

1. Quot sint numero Horæ Canonice.
2. Quis ad eas teneatur recitandas.
3. Vbi dicenda sint.
4. Quomodo, quoad attentionem, & vocem, & gesta, vel aliquid agendo.
5. Cui Ecclesia debeant eas dicentes conformari in recuando.
6. Utrum eas mutare liceat ad libitum, vel si recitans obliviscitur unius horæ, interponendo aliam, si opus ordinatè omnes iterum recitare.
7. Quando quo ve tempore dici vel quibus modis Horæ sint dicenda.
8. Quid disponere debeat, & possit Episcopus circa eas, & circa punctatorem in Ecclesia constituendum.
9. An possit compellere Episcopus Clericos, ut omnes conveniant in Ecclesia ad horas Canonice recitandas.